

113 年全國語文競賽原住民族語朗讀 【拉阿魯哇語】 國小學生組 編號 4 號

marumukuaku

marumukuaku ahlavungulaia, arumuka ahlavungulaia tuahlɔ uvura
masunguli. tavahlihla ahlavungulaia, aucaucani tavahlihla tamuucu
mavacangɔ, matavutavulaɔ pahluisa parahlavaɔ ihlaku, paricani tavahlihla
miahlihlipi vɛkiku, musurarauvu ausi tapu'ai. pasamia kani'i, maku
tatavahlihla pasawɔsɔ ahlu'u hla tapu'ai tapiailitapiaili.

marumukuaku ahlamacicia, marumuku
ahlamacicia 'acangɔrahlɔ, 'acangɔrahlɔ ahlamacicia ausi vulaihli mamaini.
akukumainimana maru ina'a apariva, iapa'acangɔrahlɔ taratatɔatukɔhlɔ
sapi, kihlamuhlamua ina'ana kisuahlahlama'acangɔrahlɔ, marua
sipuamiaku 'acangɔrahlɔna ausi pausasaliri. hlipacaucauaku takacicihli
maku langica miapipihlihli, tapilalɔvɔ 'acangɔrahlɔ tapi'arau'arau, ulavaisa
maru masungulina matuusuru.

marumukuaku ahlausahla, marumuku ahlausahla siriaɔvɔcɔnga.
mahlukua hlipatuaiailia marua pahlu pusiamɔ mulava ngunguruku, kumita
hlimipupururuku pusiamɔ, aucaucauni palungana mahlahlisarɔ hlimilili.
kumita rahlɔnga cucutakuaumumana, paraatɔhlangɔ ihlaku ucani kari,
“ maru mahlipapu taku'i'iarɔ mutusua sasaruana ”...

macacaca cucutakuaumuma mariapusiamɔ, aucaucani lɔmɔhlana
pusiamɔ ausi amihla “ mamisa tam maritumuhlu maripusiamɔ ”.

marumukuaku ahla'amisana, marumuku ahla'amisana mapuhli uruhla.
aucaucani uruhla muucapi, kutacacurunɔ masarɔmɔ marumukuakumana
tɔnɔmɔ, kumira hlingua'ɔ, tɔkɔ tamuucu kupisiasiakɔ, kuiatatarɔ

marumakuaku hlingua'ɔ tɔnɔmɔ, matangalɔaku marumuku masunguli,
marumukuaku ruvaruvaruvana kiɔlɔsɔ ina'a arupakakari, tuahlɔamu murina
arukavavacangɔ siacalai.

ta'iaraisaka tainana matumuhlu arumukana, kuhlaisai marumukuaku
mangusipi.

我喜歡

我喜歡春天，喜歡春天帶給我們的溫暖。春天的花，每一朵都非常漂亮，淡淡的花香使我陶醉，摘下一朵花戴在頭上，翩翩起舞像蝴蝶一樣。這個時候，我在花叢中和蝴蝶蜜蜂追逐。

我喜歡夏天，喜歡夏天的星星，夏天的星星如同小眼睛一樣。小時候我常常在媽媽的懷抱，數著不同造型的星星，媽媽講著星星的故事，讓我對星星有一種嚮往。我幻想著在星空中飛翔，跟著星星到處跑，最後在暖暖的懷抱中睡著。

我喜歡秋天，喜歡秋天的豐收，一股稻香在鼻子裡，農民樂呵呵地收著稻穀，一捆捆金黃的稻穀好像在說：今年又是一個豐收。看著結實纍纍的稻穗，一顆顆黃金飽滿，看到揮汗如雨的農民，讓我想到一句詩：「鋤禾日當午，汗滴禾下土」…

我喜歡冬天，喜歡冬天潔白的雪。一片片飄落下來的雪花，不覺得冰冷。我還喜歡大海，喜歡海浪，看著海浪，心裡平靜，沒有憂傷。

我最喜歡溫暖，喜歡晚上和媽媽聊一些愉快的話題，感受親子之間的感情是濃厚的。

有這麼多的喜歡，所以我喜歡上了生活。